

(द्वितीयोऽध्यायः ॥ वर्गाः 1-24)

(11)

62

(म.10, अनु.5)

ऋषिः नाभानेदिष्ठः मानवः छन्दः जगती 1-4, अनुष्टुप् 5,8-9, बृहती 6, सतोबृहती 7, गायत्री 10,
त्रिष्टुप् 11 देवता विश्वे देवाः अङ्गिरसः वा 1-6, विश्वे देवाः 7, सावर्णेर्दानं 8-11

ये युज्ञेन् दक्षिणया समक्ता इन्द्रस्य सुख्यममृतत्वमानशुः ।
तेभ्यो भद्रमङ्गिरसो वो अस्तु प्रति गृभ्णीत मानवं सुमेधसः ॥ 1 ॥
य उदाजन् पितरो गोमयं वस्वृतेनाभिन्दन् परिवत्सुरे वृलम् ।
दीर्घायुत्वमङ्गिरसो वो अस्तु प्रति गृभ्णीत मानवं सुमेधसः ॥ 2 ॥
य ऋतेन सूर्यमारोहयन् दिव्यप्रथयन् पृथिवीं मातरं वि ।
सुप्रजास्त्वमङ्गिरसो वो अस्तु प्रति गृभ्णीत मानवं सुमेधसः ॥ 3 ॥
अयं नाभा वदति वृलु वो गृहे देवपुत्रा ऋषयस्तच्छृणोतन ।
सुब्रह्मण्यमङ्गिरसो वो अस्तु प्रति गृभ्णीत मानवं सुमेधसः ॥ 4 ॥
विरूपासु इदृषयस्त इद्रम्भीरवैपसः ।ते अङ्गिरसः सूनवस्ते अग्नेः परिं जज्ञिरे ॥ 5 ॥
ये अग्नेः परिं जज्ञिरे विरूपासो दिवस्परिं । नवग्वो नु दशग्वो अङ्गिरस्तमः सचा देवेषु मंहते ॥ 6 ॥
इन्द्रेण युजा निः सृजन्त वाघतो व्रजं गोमन्तमश्विनम् ।
सहस्रं मे ददतो अष्टकर्ण्यः श्रवो देवेष्वक्रत ॥ 7 ॥
प्र नूनं जायतामयं मनुस्तोकमेव रोहतु । यः सहस्रं शताश्वं सद्यो दानाय मंहते ॥ 8 ॥
न तमश्नोति कश्चन दिवइव सान्वारभम् । सावर्ण्यस्य दक्षिणा वि सिन्धुरिव पप्रथे ॥ 9 ॥
उत दासा परिविषे स्मद्विष्टी गोपरीणसा । यदुस्तुर्वश्च मामहे ॥ 10 ॥
सहस्रदा ग्रामुणीर्मा रिषन्मनुः सूर्येणास्य यतमानेतु दक्षिणा ।
सावर्णेर्देवाः प्र तिरन्त्वायुर्यस्मिन्नश्रान्ता असनाम् वाजम् ॥ 11 ॥

(17)

63

(म.10, अनु.5)

ऋषिः गयः प्लातः छन्दः जगती 1-14, जगती त्रिष्टुप् वा 15, त्रिष्टुप् 16-17
देवता विश्वे देवाः 1-14,17, पथ्या स्वस्तिः 15-16

प्रावतो ये दिधिषन्त आप्यं मनुप्रीतासो जनिमा विवस्वतः ।
ययातेर्ये नहुष्यस्य बर्हिषि देवा आसते ते अधि ब्रवन्तु नः ॥ 1 ॥
विश्वा हि वो नमस्यानि वन्द्या नामानि देवा उत युज्ञियानि वः ।
ये स्थ जाता अदितेरुद्व्यस्परि ये पृथिव्यास्ते म इह श्रुता हवम् ॥ 2 ॥
येभ्यो माता मधुमत्पिन्वते पर्यः पीयूषं द्यौरदितिरद्विर्बर्हाः ।
उक्थशुष्मान् वृषभुरान्त्स्वप्रसस्ताँ आदित्याँ अनु मदा स्वस्तये ॥ 3 ॥
नृचक्षसो अनिमिषन्तो अर्हणा बृहद्देवासो अमृतत्वमानशुः ।

ज्योतीरथा अहिमाया अनागसो दिवो वृष्माणं वसते स्वस्तये	॥ 4 ॥
सम्राजो ये सुवृधौ यज्ञमाययुरपरिहृता दधिरे दिवि क्षयम्	
तां आ विवासु नर्मसा सुवृक्तिभिर्महो आदित्यां अदितिं स्वस्तये	॥ 5 ॥
को वः स्तोमं राधति यं जुजोषथ विश्वे देवासो मनुषो यति छनं	
को वोऽध्वरं तुविजाता अरं कर्द्यो नः पर्षदत्यंहः स्वस्तये	॥ 6 ॥
येभ्यो होत्रां प्रथमामायेजे मनुः समिद्धाग्निर्मनसा सप्त होतृभिः	
त आदित्या अभयं शर्म यच्छत सुगा नः कर्त सुपथा स्वस्तये	॥ 7 ॥
य ईशिरे भुवनस्य प्रचेतसो विश्वस्य स्थातुर्जगतश्च मन्तवः	
ते नः कृतादकृतादेनसुस्पर्यद्या देवासः पिपृता स्वस्तये	॥ 8 ॥
भरेष्विन्द्रं सुहवं हवामहेऽहोमुचं सुकृतं देव्यं जनम्	
अग्निं मित्रं वरुणं सातये भगं द्यावापृथिवी मरुतः स्वस्तये	॥ 9 ॥
सुत्रामाणं पृथिवीं द्यामनेहसं सुशर्माणमदितिं सुप्रणीतिम्	
दैवीं नावं स्वरित्रामनागसुमस्रवन्तीमा रुहेमा स्वस्तये	॥ 10 ॥
विश्वे यजत्रा अधि वोचतोतये त्रायध्वं नो दुरेवाया अभिहुतः	
सत्यया वो देवहृत्या हुवेम शृण्वतो देवा अवसे स्वस्तये	॥ 11 ॥
अपामीवामप विश्वामनाहुतिमपारातिं दुर्विदत्रामघायतः	
आरे देवा द्वेषो अस्मद्युयोतनोरु णः शर्म यच्छता स्वस्तये	॥ 12 ॥
अरिष्टः स मतो विश्व एधते प्र प्रजाभिर्जायते धर्मणस्परि	
यमादित्यासो नयथा सुनीतिभिरति विश्वानि दुरिता स्वस्तये	॥ 13 ॥
यं देवासोऽवथ वाजसातौ यं शूरसाता मरुतो हिते धने	
प्रातर्यावाणं रथमिन्द्र सानसिमरिष्यन्तुमा रुहेमा स्वस्तये	॥ 14 ॥
स्वस्ति नः पृथ्यासु धन्वसु स्वस्त्यशुप्सु वृजने स्वर्वति	
स्वस्ति नः पुत्रकृथेषु योनिषु स्वस्ति राये मरुतो दधातन	॥ 15 ॥
स्वस्तिरिद्धि प्रपथे श्रेष्ठा रेकर्णस्वत्यभि या वाममेति	
सा नो अमा सो अरणे नि पातु स्वावेशा भवतु देवगोपा	॥ 16 ॥
एवा प्लुतेः सूनुरवीवृधद्वो विश्व आदित्या अदिते मनीषी	
ईशानासो नरो अमर्त्येनास्तां वि जनो दिव्यो गयेन	॥ 17 ॥

(17)

64

(म.10, अनु.5)

ऋषिः गयः प्लातः

छन्दः जगती 1-11,13-15, त्रिष्टुप् 12,16-17

देवता विश्वे देवाः

कथा देवानां कतमस्य यामनि सुमन्तु नाम शृण्वतां मनामहे
को मृळाति कतमो नो मयस्करत्कतम ऊती अभ्या वर्तति

॥ 1 ॥

क्रतुयन्ति क्रतवो हृत्सु धीतयो वेनन्ति वेनाः पतयन्त्या दिशः	
न मर्दिता विद्यते अन्य एभ्यो देवेषु मे अधि कामा अयंसत	॥ 2 ॥
नरा वा शंसं पूषणमगोह्यमग्निं देवेद्धमभ्यर्चसे गिरा	
सूर्यामासा चन्द्रमसा यमं दिवि त्रितं वातमुषसमकुम्भिना	॥ 3 ॥
कथा क्विस्तुवीरवान् कया गिरा बृहस्पतिर्वावृधते सुवृक्तिभिः	
अज एकपात्सुहवैभिर्ऋक्भिर्हिः शृणोतु बुध्योर् हवीमनि	॥ 4 ॥
दक्षस्य वादिते जन्मनि व्रते राजाना मित्रावरुणा विवाससि	
अतूर्तपन्थाः पुरुरथो अर्यमा सप्तहोता विषुरूपेषु जन्मसु	॥ 5 ॥
ते नो अर्वन्तो हवनश्रुतो हवं विश्वे शृण्वन्तु वाजिनो मितद्रवः	
सहस्रसा मेधसाताविव त्मना महो ये धनं समित्थेषु जभ्रिरे	॥ 6 ॥
प्र वो वायुं रथयुजं पुरंधिं स्तोमैः कृणुध्वं सख्याय पूषणम्	
ते हि देवस्य सवितुः सवीमनि क्रतुं सचन्ते सचितुः सचेतसः	॥ 7 ॥
त्रिः सप्त सप्ता नद्यो महीरपो वनस्पतीन् पर्वतां अग्रिमूतये	
कृशानुमस्तृन् तिष्यं सधस्थ आ रुद्रं रुद्रेषु रुद्रियं हवामहे	॥ 8 ॥
सरस्वती सरयुः सिन्धुर्मुर्मिभिर्महो महीरवसा यन्तु वक्षणीः	
देवीरापो मातरः सूदयिष्वो घृतवत्पयो मधुमन्नो अर्चत	॥ 9 ॥
उत माता बृहद्दिवा शृणोतु नस्त्वष्टा देवेभिर्जनिभिः पिता वचः	
ऋभुक्षा वाजो रथस्पतिर्भगो रण्वः शंसः शशमानस्य पातु नः	॥ 10 ॥
रण्वः संदृष्टौ पितुमाँइव क्षयो भद्रा रुद्राणां मरुतामुपस्तुतिः	
गोभिः ध्याम यशसो जनेष्वा सदा देवास इळ्या सचेमहि	॥ 11 ॥
या मे धियं मरुत् इन्द्र देवा अर्ददात वरुण मित्र यूयम्	
तां पीपयत् पर्यसेव धेनुं कुविद्विरो अधि रथे वहाथ	॥ 12 ॥
कुविदुङ्ग प्रति यथा चिदस्य नः सजात्यस्य मरुतो बुबोधथ	
नाभा यत्र प्रथमं संनसामहे तत्र जामित्वमदितिर्दधातु नः	॥ 13 ॥
ते हि द्यावापृथिवी मातरा मही देवी देवाञ्जन्मना यज्ञिये इतः	
उभे बिभृत उभयं भरीमभिः पुरू रतांसि पितृभिश्च सिञ्चतः	॥ 14 ॥
वि षा होत्रा विश्वमश्नोति वार्यं बृहस्पतिर्रमतिः पनीयसी	
ग्रावा यत्र मधुषुदुच्यते बृहदवीवशन्त मतिभिर्मनीषिणः	॥ 15 ॥
एवा क्विस्तुवीरवाँ ऋतज्ञा द्रविणस्युर्द्रविणसश्चकानः	
उक्थेभिरत्र मतिभिश्च विप्रोऽपीपयद्भयो दिव्यानि जन्म	॥ 16 ॥
एवा प्लुतेः सूनुरवीवृधद्वो विश्वं आदित्या अदिते मनीषी	
ईशानासो नरो अर्मत्येनास्तावि जनो दिव्यो गयेन	॥ 17 ॥

ऋषिः वासुक्रः वसुकर्णः

छन्दः जगती 1-14, त्रिष्टुप् 15

देवता विश्वे देवाः

अग्रिरिन्द्रो वरुणो मित्रो अर्यमा वायुः पूषा सरस्वती सृजोषसः |
 आदित्या विष्णुर्मरुतः स्वर्बृहत्सोमो रुद्रो अदितिर्ब्रह्मणस्पतिः || 1 ||
 इन्द्राग्नी वृत्रहत्येषु सत्पती मिथो हिन्वाना तन्वाꣳ समोकसा |
 अन्तरिक्षं मह्या पंपुरोजसा सोमो घृतश्रीर्महिमानमीरयन् || 2 ||
 तेषां हि मह्या महतामनर्वणां स्तोमाँ इयर्मृतज्ञा ऋतावृधाम् |
 ये अप्सवमर्णवं चित्रराधसस्ते नो रासन्तां महये सुमित्र्याः || 3 ||
 स्वर्णरमन्तरिक्षाणि रोचना द्यावाभूमी पृथिवी स्कम्भुरोजसा |
 पूक्षाइव महयन्तः सुरातयो देवाः स्तवन्ते मनुषाय सूरयः || 4 ||
 मित्राय शिक्ष वरुणाय दाशुषे या सम्राजा मनसा न प्रयुच्छतः |
 ययोर्धाम धर्मणा रोचते बृहद्ययोरुभे रोदसी नाधसी वृतौ || 5 ||
 या गौर्वर्तनिं पर्येति निष्कृतं पयो दुहाना व्रतनीरवारतः |
 सा प्रब्रुवाणा वरुणाय दाशुषे देवेभ्यो दाशद्धविषा विवस्वते || 6 ||
 दिवक्षसो अग्निजिह्वा ऋतावृध ऋतस्य योनिं विमृशन्त आसते |
 द्यां स्कभित्व्यंष आ चक्रुरोजसा यज्ञं जन्त्विवी तन्वीꣳ नि मामृजुः || 7 ||
 परिक्षिता पितरा पूर्वजावरी ऋतस्य योना क्षयतः समोकसा |
 द्यावापृथिवी वरुणाय सव्रते घृतवृत्पयो महिषाय पिन्वतः || 8 ||
 पर्जन्यावाता वृषभा पुरीषिणेन्द्रवायू वरुणो मित्रो अर्यमा |
 देवाँ आदित्याँ अदितिं हवामहे ये पार्थिवासो दिव्यासो अप्सु ये || 9 ||
 त्वष्टारं वायुर्मभवो य ओहते दैव्या होतारा उषसं स्वस्तये |
 बृहस्पतिं वृत्रखादं सुमेधसमिन्द्रियं सोमं धनसा उ ईमहे || 10 ||
 ब्रह्म गामश्वं जनयन्त ओषधीर्वनस्पतीन् पृथिवीं पर्वताँ अपः |
 सूर्यं दिवि रोहयन्तः सुदानव आर्या व्रता विसृजन्तो अधि क्षमि || 11 ||
 भुज्युमंहसः पिपृथो निरश्विना श्यावं पुत्रं वधिमत्या अजिन्वतम् |
 कमद्युवं विमदायोहथुर्युवं विष्णाप्वं विश्वकायाव सृजथः || 12 ||
 पावीरवी तन्यतुरेकपादुजो दिवो धृता सिन्धुरापः समुद्रियः |
 विश्वे देवासः शृणवन् वचांसि मे सरस्वती सह धीभिः पुरंध्या || 13 ||
 विश्वे देवाः सह धीभिः पुरंध्या मनोर्यजत्रा अमृता ऋतज्ञाः |
 रातिषाचो अभिषाचः स्वर्विदः स्वर्गिरो ब्रह्म सूक्तं जुषेरत || 14 ||
 देवान्वसिष्ठो अमृतान् ववन्दे ये विश्वा भुवनाभि प्रतस्थुः |

देवान् हुवे बृहच्छ्रवसः स्वस्तये ज्योतिष्कृतो अध्वरस्य प्रचेतसः	
ये वावृधुः प्रतरं विश्ववेदसु इन्द्रज्येष्ठासो अमृता ऋतावृधः	॥ 1 ॥
इन्द्रप्रसूता वरुणप्रशिष्टा ये सूर्यस्य ज्योतिषो भागमानशुः	
मरुद्गणे वृजने मन्म धीमहि माघोने यज्ञं जनयन्त सूरयः	॥ 2 ॥
इन्द्रो वसुभिः परि पातु नो गयमादित्यैर्नो अदितिः शर्म यच्छतु	
रुद्रो रुद्रेभिर्देवो मृळयाति नस्त्वष्टा नो ग्राभिः सुविताय जिन्वतु	॥ 3 ॥
अदितिर्द्यावापृथिवी ऋतं महदिन्द्राविष्णु मरुतः स्वर्बृहत्	
देवा आदित्या अवसे हवामहे वसून्नुद्रान्तसवितारं सुदंससम्	॥ 4 ॥
सरस्वान् धीभिर्वरुणो धृतव्रतः पूषा विष्णुर्महिमा वायुरश्विना	
ब्रह्मकृतो अमृता विश्ववेदसुः शर्म नो यंसन् त्रिवरूथमंहसः	॥ 5 ॥
वृषा यज्ञो वृषणः सन्तु यज्ञिया वृषणो देवा वृषणो हविष्कृतः	
वृषणा द्यावापृथिवी ऋतावरी वृषा पर्जन्यो वृषणो वृषस्तुभः	॥ 6 ॥
अग्नीषोमा वृषणा वाजसातये पुरुप्रशस्ता वृषणा उप ब्रुवे	
यावीजिरे वृषणो देवयज्यया ता नः शर्म त्रिवरूथं वि यंसतः	॥ 7 ॥
धृतव्रताः क्षत्रिया यज्ञनिष्कृतो बृहद्विवा अध्वराणामभिश्चियः	
अग्निहोतार ऋतसापो अद्ब्रहोऽपो असृजन्ननु वृत्रतूर्ये	॥ 8 ॥
द्यावापृथिवी जनयन्नभि व्रताप ओषधीर्वनिनानि यज्ञिया	
अन्तरिक्षं स्वरा पंप्ररूतये वशं देवासस्तन्वीरे नि मामृजुः	॥ 9 ॥
धृतारो दिव ऋभवः सुहस्ता वातापर्जन्या महिषस्य तन्यतोः	
आप ओषधीः प्र तिरन्तु नो गिरो भगो रातिर्वाजिनो यन्तु मे हवम्	॥ 10 ॥
समुद्रः सिन्धु रजो अन्तरिक्षमज एकपात्तनयित्पुरणवः	
अहिर्बुध्न्यः शृणवद्वचांसि मे विश्वे देवास उत सूरयो मम	॥ 11 ॥
स्याम वो मनवो देववीतये प्राञ्चं नो यज्ञं प्र णयत साधुया	
आदित्या रुद्रा वसवः सुदानव इमा ब्रह्म शस्यमानानि जिन्वत	॥ 12 ॥
दैव्या होतारा प्रथमा पुरोहित ऋतस्य पन्थामन्वेमि साधुया	
क्षेत्रस्य पतिं प्रतिवेशमीमहे विश्वान्देवा अमृता अप्रयुच्छतः	॥ 13 ॥
वसिष्ठासः पितृवद्वाचमक्रत देवा ईळाना ऋषिवत्स्वस्तये	
प्रीताइव ज्ञातयः काम्मेत्यास्मे देवासोऽव धूनुता वसु	॥ 14 ॥
देवान् वसिष्ठो अमृतान् ववन्दे ये विश्वा भुवनाभि प्रतस्थुः	

ते नो रासन्तामुरुगायमद्य यूयं पात स्वस्तिभिः सदा नः

॥ 15 ॥

(12)

67

(म.10, अनु.5)

ऋषिः अयास्यः आङ्गिरसः

छन्दः त्रिष्टुप्

देवता बृहस्पतिः

इमां धियं सप्तशीर्ष्णां पिता न ऋतप्रजातां बृहतीमविन्दत् |
तुरीयं स्विञ्जनयद्विश्वजन्त्योऽयास्य उक्थमिन्द्राय शंसन् || 1 ||
ऋतं शंसन्त ऋजु दीध्याना दिवस्पुत्रासो असुरस्य वीराः |
विप्रं पदमङ्गिरसो दधाना यज्ञस्य धामं प्रथमं मनन्त || 2 ||
हंसैरिव सखिभिर्वावदद्भिरश्मन्मयानि नहन्ता व्यस्यन् |
बृहस्पतिरभिकर्निक्रदद्वा उत प्रास्तौदुञ्च विद्वां अंगायत् || 3 ||
अवो द्वाभ्यां पुर एकया गा गुहा तिष्ठन्तीरनृतस्य सेतौ |
बृहस्पतिस्तमसि ज्योतिरिच्छन्नुदुस्त्रा आकुर्वि हि तिस्र आवः || 4 ||
विभिद्या पुरं शयथेमपाचीं निस्त्रीणि साकमुदधेरकृन्तत् |
बृहस्पतिरुषसं सूर्यं गामुर्कं विवेद स्तनयन्निव द्यौः || 5 ||
इन्द्रो वलं रक्षितारं दुधानां करेणैव वि चकर्ता रवेण |
स्वेदाञ्जिभिराशिरमिच्छमानोऽरोदयत्पणिमा गा अमुष्णात् || 6 ||
स ईं सत्येभिः सखिभिः शुचिर्द्विर्गोधायसं वि धनुसैरददः |
ब्रह्मणस्पतिर्वृषभिर्वराहैर्घर्मस्वेदेभिर्द्रविणं व्यानत् || 7 ||
ते सत्येन मनसा गोपतिं गा इयानास इषणयन्त धीभिः |
बृहस्पतिर्मिथोअवद्यपेभिरुदुस्त्रिया असृजत स्वयुग्भिः || 8 ||
तं वर्धयन्तो मृतिभिः शिवाभिः सिंहमिव नानदतं सधस्थै |
बृहस्पतिं वृषणं शूरसातौ भरेभरे अनु मदेम जिष्णुम् || 9 ||
यदा वाज्मसंनद्विश्वरूपमा द्यामरुक्षदुत्तराणि सद्म |
बृहस्पतिं वृषणं वर्धयन्तो नाना सन्तो विभ्रतो ज्योतिरासा || 10 ||
सत्यामाशिषं कृणुता वयोधै कीरिं चिद्भ्यवथ स्वेभिरेवैः |
पश्चा मृधो अप भवन्तु विश्वास्तद्रोदसी शृणुतं विश्वमिन्वे || 11 ||
इन्द्रो म्हा महतो अर्णवस्य वि मूर्धानमभिनदर्बुदस्य |
अहन्नहिमरिणात्सप्त सिन्धून् देवैर्द्यावापृथिवी प्रावतं नः || 12 ||

(12)

68

(म.10, अनु.5)

ऋषिः अयास्यः आङ्गिरसः

छन्दः त्रिष्टुप्

देवता बृहस्पतिः

उदप्रुतो न वयो रक्षमाणा वावदतो अभ्रियस्येव घोषाः |
गिरिभ्रजो नोर्मयो मदन्तो बृहस्पतिमभ्यर्का अनावन् || 1 ||

सं गोभिराङ्गिरसो नक्षमाणो भगइवेदर्यमणं निनाय |
जनै मित्रो न दंपती अनक्ति बृहस्पते वाजयाशूरिवाजौ || 2 ||
साध्वर्या अतिथिनीरिषिराः स्पार्हाः सुवर्णा अनवद्यरूपाः |
बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः || 3 ||
आप्रुषायन्मधुन ऋतस्य योनिमवक्षिपन्नर्क उल्कामिव द्योः |
बृहस्पतिरुद्धरन्नश्मनो गा भूम्या उद्रेव वि त्वचं बिभेद || 4 ||
अप ज्योतिषा तमो अन्तरिक्षादुद्रः शीपालमिव वात आजत् |
बृहस्पतिरनुमृश्या वलस्याभ्रमिव वात् आ चक्र आ गाः || 5 ||
यदा वलस्य पीयतो जसुं भेद्वहस्पतिरग्नितपोभिरुक्तेः |
दुद्धिर्न जिह्वा परिविष्टमाददाविर्निधौरकृणोदुस्त्रियाणाम् || 6 ||
बृहस्पतिरमत् हि त्यदासां नाम स्वरीणां सद्ने गुहा यत् |
आण्डेव भित्त्वा शकुनस्य गर्भमुदुस्त्रियाः पर्वतस्य त्मनाजत् || 7 ||
अश्रापिनद्धं मधु पर्यपश्यन्मत्स्यं न दीन उदनि क्षियन्तम् |
निष्टज्जभार चमसं न वृक्षाद्बृहस्पतिर्विरुवेणा विकृत्य || 8 ||
सोषामविन्दत्स स्वशः सो अग्निं सो अर्केण वि बबाधे तमांसि |
बृहस्पतिर्गोवपुषो वलस्य निर्मुञ्जानं न पर्वणो जभार || 9 ||
हिमेव पूर्णा मुषिता वनानि बृहस्पतिनाकृपयद्वलो गाः |
अनानुकृत्यमपुनश्चकार यात्सूर्यामासा मिथ उच्चरातः || 10 ||
अभि श्यावं न कृशनेभिरश्वं नक्षत्रेभिः पितरो द्यामपिंशन् |
रात्र्यां तमो अदधुर्ज्योतिरहन्बृहस्पतिर्भिनद्रद्रिं विदद्गाः || 11 ||
इदमकर्म नमो अभ्रियाय यः पूर्वीरन्वानोनवीति |
बृहस्पतिः स हि गोभिः सो अश्वैः स वीरेभिः स नृभिर्नो वयो धात् || 12 ||

(12)

69

(म.10, अनु.6)

ऋषिः सुमित्रः वाध्यश्वः

छन्दः जगती 1-2, त्रिष्टुप् 3-12

देवता अग्निः

भद्रा अग्नेर्वध्यश्वस्य सदृशो वामी प्रणीतिः सुरणा उपेतयः |
यदीं सुमित्रा विशो अग्र इन्धते घृतेनाहुतो जरते दविद्युतत् || 1 ||
घृतमग्नेर्वध्यश्वस्य वर्धनं घृतमन्नं घृतम्वस्य मेदनम् |
घृतेनाहुत उर्विया वि पप्रथे सूर्यइव रोचते सर्पिरासुतिः || 2 ||
यत्ते मनुर्यदनीकं सुमित्रः समीधे अग्ने तद्विदं नवीयः |
स रेवच्छोच स गिरो जुषस्व स वाजं दधि स इह श्रवो धाः || 3 ||
यं त्वा पूर्वमीळितो वध्यश्वः समीधे अग्ने स इदं जुषस्व |

स नः स्तिपा उत भवा तनूपा द्वात्रं रक्षस्व यदिदं ते अस्मे	॥ 4 ॥
भवा द्युम्नी वाध्यश्चोत गोपा मा त्वा तारीदभिर्मातिर्जनानाम्	
शूरइव धृष्णुश्च्यवनः सुमित्रः प्र नु वोचं वाध्यंश्वस्य नामं	॥ 5 ॥
समज्या पर्वत्यां वसूनि दासा वृत्राण्यार्या जिगेथ	
शूरइव धृष्णुश्च्यवनो जनानां त्वमग्रे पृतनार्यूरभि ध्याः	॥ 6 ॥
दीर्घतन्तुर्बृहदुक्षायमग्निः सहस्रस्तरिः शतनीथ ऋभवा	
द्युमान् द्युमत्सु नृभिर्मृज्यमानः सुमित्रेषु दीदयो देवयत्सु	॥ 7 ॥
त्वे धेनुः सुदुघा जातवेदोऽसश्चतैव समना संबर्धुक्	
त्वं नृभिर्दक्षिणावद्विरग्रे सुमित्रेभिरिध्यसे देवयद्विः	॥ 8 ॥
देवाश्चित्ते अमृता जातवेदो महिमानं वाध्यश्च प्र वोचन्	
यत्संपृच्छं मानुषीर्विश आयन्त्वं नृभिरजयस्त्वावृधेभिः	॥ 9 ॥
पितेव पुत्रमबिभरुपस्थे त्वामग्रे वध्यश्चः संपर्यन्	
जुषाणो अस्य समिधं यविष्टोत पूर्वां अवनोर्बार्धतश्चित्	॥ 10 ॥
शश्वदग्निर्वध्यंश्वस्य शत्रून् नृभिर्जिगाय सुतसोमवद्विः	
समनं चिददहश्चित्रभानोऽव वार्धन्तमभिनद्वधश्चित्	॥ 11 ॥
अयमग्निर्वध्यंश्वस्य वृत्रहा संनकात्प्रेद्धो नमसोपवाक्यः	
स नो अजामीरुत वा विजामीनभि तिष्ठ शर्धतो वाध्यश्च	॥ 12 ॥

(11)

70

(म.10, अनु.6)

ऋषिः सुमित्रः वाध्यश्चः छन्दः त्रिष्टुप् देवता इध्मः समिद्धः अग्निः वा 1, नराशंसः 2, इळः 3, बर्हिः 4, देवीद्वारः 5, उषासानक्ता 6, दैव्यौ होतारौ प्रचेतसौ 7, तिस्रः देव्यः सरस्वतीळाभारत्यः 8, त्वष्टा 9, वनस्पतिः 10, स्वाहाकृतयः 11

इमां मे अग्रे समिधं जुषस्वेळस्पदे प्रति हया घृताचीम्	
वर्षन् पृथिव्याः सुदिन्त्वे अह्नामूर्ध्वो भव सुक्रतो देवयज्या	॥ 1 ॥
आ देवानामग्रयावेह यातु नराशंसो विश्वरूपेभिरश्वैः	
ऋतस्य पथा नमसा मियेधो देवेभ्यो देवतमः सुषूदत्	॥ 2 ॥
शश्वत्तममीळते दूत्याय हविष्मन्तो मनुष्यासो अग्निम्	
वर्हिष्ठैरश्वैः सुवृता रथेना देवान् वक्षि नि षदेह होता	॥ 3 ॥
वि प्रथतां देवजुष्टं तिरश्चा दीर्घ द्राघ्मा सुरभि भूत्वस्मे	
अहेळता मनसा देव बर्हिरिन्द्रज्येष्ठां उशतो यक्षि देवान्	॥ 4 ॥
दिवो वा सानुं स्पृशता वरीयः पृथिव्या वा मात्रया वि श्रयध्वम्	
उशतीद्वारो महिना महद्विर्देवं रथं रथयुधारयध्वम्	॥ 5 ॥

देवी दिवो दुहितरा सुशिल्पे उषासानक्ता सदतां नि योनौ	
आ वां देवास उशती उशन्त उरौ सीदन्तु सुभगे उपस्थे	॥ 6 ॥
ऊर्ध्वो ग्रावा बृहदग्निः समिद्धः प्रिया धामान्यदितेरुपस्थे	
पुरोहितावृत्विजा यज्ञे अस्मिन् विदुष्टरा द्रविणमा यजेथाम्	॥ 7 ॥
तिस्रो देवीर्बर्हिर्दं वरीय आ सीदत चकृमा वः स्योनम्	
मनुष्वद्यज्ञं सुधिता हवींषीळा देवी घृतपदी जुषन्त	॥ 8 ॥
देव त्वष्टर्यद्ध चारुत्वमानुड्यदङ्गिरसामभवः सचाभूः	
स देवानां पाथ उप प्र विद्वानुशन् यक्षि द्रविणोदः सुरत्नः	॥ 9 ॥
वनस्पते रशनया नियूया देवानां पाथ उप वक्षि विद्वान्	
स्वदाति देवः कृणवद्धवीष्यवतां द्यावापृथिवी हवं मे	॥ 10 ॥
आग्ने वह वरुणमिष्टये न इन्द्रं दिवो मरुतो अन्तरिक्षात्	
सीदन्तु बर्हिर्विश्वा आ यजत्राः स्वाहा देवा अमृता मादयन्ताम्	॥ 11 ॥

(11)

71

(म.10, अनु.6)

ऋषिः बृहस्पतिः आङ्गिरसः	छन्दः त्रिष्टुप् 1-8,10-11, जगती 9	देवता ज्ञानम्
-------------------------	------------------------------------	---------------

बृहस्पते प्रथमं वाचो अग्रं यत्प्रैरत नामधेयं दधानाः	
यदेषां श्रेष्ठं यदरिप्रमासीत्प्रेणा तदेषां निहितं गुहाविः	॥ 1 ॥
सक्तुमिव तितउना पुनन्तो यत्र धीरा मनसा वाचमक्रत	
अत्रा सखायः सख्यानि जानते भद्रैषां लक्ष्मीर्निहितार्धि वाचि	॥ 2 ॥
यज्ञेन वाचः पदवीर्यमायन् तामन्वविन्दुवृषिषु प्रविष्टाम्	
तामाभृत्या व्यदधुः पुरुत्रा तां सप्त रेभा अभि सं नवन्ते	॥ 3 ॥
उत त्वः पश्यन्न ददर्श वाचमुत त्वः शृण्वन्न शृणोत्येनाम्	
उतो त्वस्मै तन्वंश् वि संसे जायेव पत्य उशती सुवासाः	॥ 4 ॥
उत त्वं सख्ये स्थिरपीतमाहुर्नैनं हिन्वन्त्यपि वाजिनेषु	
अधेन्वा चरति माययैष वाचं शुश्रुवां अफलामपुष्पाम्	॥ 5 ॥
यस्तित्याज सचिविदं सखायं न तस्य वाच्यपि भागो अस्ति	
यदीं शृणोत्यलकं शृणोति नहि प्रवेदं सुकृतस्य पन्थाम्	॥ 6 ॥
अक्षुण्वन्तः कर्णवन्तः सखायो मनोज्वेष्वसमा बभूवुः	
आदघ्नास उपकक्षास उ त्वे हृदाइव स्नात्वा उ त्वे ददृशे	॥ 7 ॥
हृदा तृष्टेषु मनसो ज्वेषु यद्वाह्याणाः संयजन्ते सखायः	
अत्राहं त्वं वि जहुर्वेद्याभिरोहब्रह्माणो वि चरन्त्यु त्वे	॥ 8 ॥
इमे ये नार्वाङ्ग परश्चरन्ति न ब्राह्मणासो न सुतेकरासः	
त एते वाचमभिपद्य पापया सिरीस्तन्त्रं तन्वते अप्रजज्ञयः	॥ 9 ॥

सर्वे नन्दन्ति यशसागतेन सभासाहेन सख्या सखायः ।

क्विल्बिषस्पृत्पितुषणिह्वेषामरं हितो भवति वाजिनाय ॥ 10 ॥

ऋचां त्वः पोषमास्ते पुपुष्वान् गायत्रं त्वो गायति शकरीषु ।

ब्रह्मा त्वो वर्दति जातविद्यां यज्ञस्य मात्रां वि मिमीत उ त्वः ॥ 11 ॥

। इति अष्टमाष्टके द्वितीयोऽध्यायः समाप्तः ।